

韓魏公集

六之十



漢書門類			
三	四	二	七
九	大	函	號
一	一	三	二
冊	架	架	冊

內閣文庫		
三	三	漢
五	四	書
函	二	
一	七	
三	號	類
架	冊	

內閣文庫		
番號	漢	3427
冊數	12	(3)
函號	315	60





韓魏公集卷之六



宋韓琦稚圭著

明康丕揚士遇校

淺草文庫

御製後苑賞花釣魚奉聖旨次韻

花簇香亭萬朵開
瑤輿高自九關來
輕陰閣雨迎天步
寒色留春送壽杯
仙吹微雲終縹緲
恩魚逢餌幾徘徊
曾參二十年前會
今備台司得再陪

御製天章閣觀三聖御書奉聖旨次韻

寶閣三休地琅函列聖文天章橫紫極洛字覆青
雲花折驚雷起龍騰駭浪分宸毫知善斷更嗣禹
邦勤

恭謝天地慶成五言六韻

世積皇基厚天扶帝極安宸心思報重靈荅匪誠
難蠲潔齋居敬凝嚴路寢寬二儀通聖饗三后接
神歡惠澤開秋慘和聲破曉寒南山薦君壽峴闕
聳群觀

裕享慶成五言二十韻

大饗無先裕精祠貴必躬歷朝疑未講曠典屬今
崇良月稽冬孟容臺訪禮中祀期當象閏位嚮卒
虛東太卜諏元日齋誠儼法宮瑀輿下丹地林館
薦清衷雪密人初駭天高德自通陰雲成瑞靄凜
色變和風世室休嚴衛宵衣集庶工叙親昭穆正
合食盥銅豐既裸神斯格君歆慶已蒙歡欣流禹
律馨欵入堯聰月射千圭白星輝萬燎紅茨歌拊
振作晴旭漸曛暉回蹕升端闕群瞻聳上穹蕃釐
均廟餽惠澤泰民窮孝著鉤鈴動恩疏貫索空致

祥書可信讓美意彌冲此協亨嘉會慙非輔翼功
唯知獻君壽巍與二儀同

明堂慶成五言二十韻

至矣君嚴父其惟祀配天明堂茲有法路寢復申
虔禮簡刊前誤圖新煥昔傳乾坤隆正位辰火協
高躔宗德停參侑推尊獨大圓兼崇太極坐並享
總章筵節物豐秋後齋精吉旦前既祗真館駕遂
潔閔宮捨泛灑輕塵失涵濡惠澤先直由誠意感
卒使祭無愆翌日回清蹕中宵儼遽延一純通肝

蠶五室敬蠶娟和必流金石馨非主豆籩靈光燭
愬戶飈駕觸旄旒齊酌終三薦神登荅萬年歡聲
搖海嶽瑞色發雲煙餒已均庖賤恩思被幅員星
雞隨勅豎教鶴下搏宣教不煩家至民惟視德遷
普天知子道斯匪化之然

天章閣觀御飛白書五言十韻

內閣門清曉中天對邇臣唐虞遺典在河洛奧書
陳二聖勤勞舊千齡矩法新帝暉方咫尺宸翰復
躬親鸞拂宮筍舞花隨御筆春奎先連壁府劔歎

動龍津今古神功絕願宣上意均玉峯羅俎豆黼
坐拱星辰魚藻特亨會蓬瀛寄此身流霞仙飲罷
又賜一杯醇聖恩勸酒唯
臣再賜巨杯

樞廷對竹

一紀前曾對此君依然軒檻喜重新丹心自覺同
高節青眼相看似故人不雜翼塵終冷淡飽經霜
雪尚精神樞廷豈是琴樽伴會約幽居稱幅巾

韓穎太傅之任洋州

昔年疆場寵雙旌官寄洋川寶治并余喜遠民留

上意故求賢守紹家聲升雲仙迹唐祠古踏石春
遊瀟水清時閱吏文應笑我從前銜署只虛名

荅定帥仲儀龍圖寄示閱古堂詩刻

好勝時多尚已爲前人勤力必隨隳所圖營葺猶
如是欲樹功名卽可知昔慕先賢形藻繪本同耒
哲作箴規得公詩刻增光歆定警媮風變俗漓

夏景即事

槐耳籠前檻雲峯透曲榭涼風即崑閬煩思入滄
溟荷弱翻青蓋榴新倒綠鉞晚來收驟雨一枕夢

魂醒

夏景早朝二首

涼風吹暑豁煩歎上馬迎風趁早朝宿霧欲開星
月澹隱然霜闕在層霄

奪熱清風幾快襟禁街岑寂漏聲沉東方似動陰
氣失北斗高垂帝闕深憂國遠圖深入夢費詩閑
是懶成吟半明天外鳴鞘下萬玉顯然拱極心

重九席上賦金鈴菊

黃金綴菊鈴宛地獨馳名細藥浮杯雅香簾貯露

清風休沉夜警雨碎入寒聲自此傳仙種秋芳冠
玉京

召赴天章閣觀新棋

雲閣崇先重霜掛薦瑞新臨觀紆法從趨召獨隣
臣晚竇開天意重榮決上人

上宣諭此樹枯而
再榮今始結實

不

隨油積纒有比禹包珍廟獻宸心格親頒聖寵均
從茲魁象果仙府占長春

祈雪宥齋醴泉觀

德陽經臘惻皇情徧走靈祠達意精馬殆始知仙

府迫露寒如到月宮清
甘泉既久蠲民瘼
惠澤非難滌
屬萌日待神龍興
蟄窟一吁嘉
雪滿寰瀛

戊戌元日喜雪

新元迎曉朔風涼
雪落同雲勢漸滂
氣候未春終是臘
禱祈方得合稱祥
拜章粉絮迷朝珮
獻壽瓊花入御觴
自是三豐歲農北人聲何必問宮商

張吉甫殿丞宰資陽

去勿輕遐邑宸心與近均
宜將寬詔意善恤遠方
民寒驛鳧先下春郊雉自馴
白雲休列望馨膳有

天倫

次韻和崔象之寺丞西亭雨下

初暑軒牕覆翠陰
更宜飛雨濯塵襟
喜花添色自人意
爲歲期豐獨帝心
餘潤日隨和氣浹
好聲時逐遠風沉
郊原徧採農家議
一寸真如一寸金

庚子重九菊未盛開席上偶成

重九開樽節未寒
黃花初發葉皆單
待看旬日金鈴綻
刺得東籬一醉歡

金鈴菊宛別種小圃有之

九日賞菊未開席上次韻答崔象之寺丞

誰知九日接賓觴未放寒花折露房早是生來悲
晚節那堪開不在重陽蒲頭且應良辰挿一夜寧
衰淺意香守待金鈴披絕艷共君舉藥醉餘芳

覽崔象之寺丞詩編

驚人佳句本天成艷格清竒不易評秋月照空澄
萬景洛花無品盡多名珠藏赤水搜求苦礦出黃
人鍛鍊精郊廟有歌猶未採只輸高興寫幽情

和崔象之紫菊

紫菊披風碎曉霞年年霜晚賞竒葩嘉名自合開

仙府麗色何妨奪錦砂雨徑蕭疎凌蘚暈露叢芬
馥敵蘭芽孤標只取當筵重不似尋常泛酒茗

裕享加恩押班宣制

大裕休成慶澤新廣庭宣制寵臣鄰非煙薦瑞寵
宮殿宣制時輕出綈敷言聳措紳風結冰簷駢玉
箸日融霜瓦半魚鱗移時始放奎吾仗鸞鷲齊飛

出禁闈

辛丑中秋不見月

懊惱閑雲取次生中秋觀月悞人情一時雖不克

群望萬古終難掩至明疑有陰魔憎好事更虞逢
雨害豐盛湏知席上徘徊意直似葵花向日傾

崔象之中舍宰陽翟

君於榮利已恬然此治韓城屬薦賢惠政卽隨春
共煦道心常與月同圓門疎俗客禪詮遠亭掩修

篁定力堅

君第有小亭竹徑蕭然君終日危坐於此

思退幾人曾上籍

可容名記託新篇

君有休官簿與君同約者則書之

辛丑季秋大饗明堂中書宿齋

紫極宸居重黃扉禁戶深齋精嚴帝配祗翼達天

心百刻延壺箭千廬肅羽林秋聲來易感仙夢斷
難尋小雨隨雲散疎星伴月沉樹鷄先曉唱菊酒

帶香斟

重九

寂爾潛神化儵然適道襟惟馨思在

德盼嚮佇靈歎

中書東廳十詠

迎春

覆欄纖弱綠條長帶雪衝寒折嫩黃迎得春來非
自足百花千卉任芬芳

牡丹

當欄新植書珍叢異格同妍出化工何物衆人敬
驚絕艷一枝花折瑞雲紅

夜合

合昏枝老拂簷牙紅白開成蘸暈花最是清香合
蠲忿累旬風送入窓紗

四季

牡丹殊絕委春風露菊蕭疎怨晚叢何似此花榮
艷足四時長放淺深紅

綠篠

莫輕叢篠綠陰微迸笋方抽嫩玉枝結實他年臻
瑞物最宜栽向鳳凰池

苜蓿

藜蕪嘉種列群芳禦濕前推藥品良時摘嫩苗烹
賜茗更從雲脚發清香

山芋

隨竹縈迴翠蔓延土諸名異出前編會須霜晚餐
珠寶可挹淨土作地仙

盆池

圓沼泓澄壁彩浮萍新殊未覆游鯈纖鱗不用時
驚沒香餌雖投是直鉤

假山

危峯疊疊起丸泥莫愛幽竒是假爲黃閣何功宜
自効去尋真隱老衰疲

馴鵲

靈鵲雙雙日自馴徘徊軒檻若相親主人素解忘
榮辱何用喃喃送喜頻

韓瀆學士傾益漕

去年巴蜀失秋成西顧饑流惻睿情嘗忝乘軺宣
渥命更煩持節極遐氓夜亭微雨多侵夢春峽繁
花少記名到日莫辭行部數屬城凋瘵望君生

崔象之宰韓城

去年同舉菊花觴自揭清音入醉鄉此日高秋來
一別幾旬佳節負重陽風生古操安新治雨徹疎
茅鎖舊堂

君治之東齋也

民里更繁應自化宰君心地本

空王

駕幸西太一宮祈雨

曉蹕聲乾下九重西郊岑寂款琳宮驕陽尚作三
春旱多稼期霑一雨豐恤物致虔歸上德應誠爲
荅卽神聰從來聖感無旋日不在商巖傳說功
駕幸西太一宮道傍耕桑者皆以茶絹賜之
杪春時澤未全滂西禱真祠後福祥蠶女捨籠驚
法從耕夫投耒目天光勞去聲勤率有優恩及拜賜
皆知佚道長海內承風誰不勸何須躬籍與躬桑
駕幸西太一宮陌上耕者叱牛聲厲左右皆

笑之

皇心閔雨出西坳親禱靈宮致潔誠扈蹕不知農
事苦羣前爭笑叱牛聲

駕幸西太一宮謝雨

太一尊神宅迤邐特紆天仗乞殊靈清衷祠禱才
三日大澍滂沱足四溟上釋憂勞嚴報謝民祛愁
鬱得康寧至誠有荅真如響更異言間退守星

從駕過金明池

帳殿深沉壓水開幾時宸輦一遊來春留苑樹陰

成幄雨漲池波色染苔空外長橋橫
蟬竦城邊真境開蓬萊崇朝侍晏臨
眇檻共看龍艘奪錦回

駕幸金明池

西池風旻出塵寰春豫方乘禁坐閑
庶俗一令趨壽域從官齊許宴蓬山
樓臺金碧芳菲外丹楫笙歌浩渺間
與象盡歡宮漏促萬花香裏屬車還

寄崔象之國博

知君爲邑解銅章却復先廬坐葆光
對境風幡俱不問安禪心法兩皆忘
滿庭修竹爭高節逸砌幽

蘭綉獨芳若論厭喧遭拄杖何如覲
駕返周行

甲辰景靈宿齋謝雨

遠寂散仙扃心齋物外清滂沱令
應禱肝蠻此通誠月殿栖真境風
梧星睡聲如何謝靈貺至道本
難名

癸卯喜雪

一夜陰雲匝四溟朝來嘉雪麗寰瀛
因風絮起先春媚翦水花飛到地輕
天際定迷瓊蕊屑世間今有玉樓成
應時何止銷民疹真壓胡沙萬里清

聞崔公孺國博將入都近重九未至

幾日知君命駕來芳辰者失獨能回黃封御酒新
霑賜更待金鈴菊未開

晚秋有感

倦鵲穿林趁獨栖此情唯有老鯨知西風日緊重
陽近恁對黃花挹酒卮

次韻答崔公孺國博

向陪七室接鷓原正是輕霜九日天醉語忘形幾
爾汝詩毫揮紙速雲煙思窮碧落今無術淚灑黃

花兩換年一覽嘉章生百恨孤懷還昧覺心圓

先君寫真得永叔爲之贊而君謨書其側崔

公孺國博以詩稱美次韻答之

遷筆褒揚逸少書孤風拂拂起襟裾孝心如覩英
靈在世系元承福慶餘永向淨居同相好墳寺真置任
從深谷改丘墟君詩意主稱人善義節軒然到古
初

次韻和崔公孺國博觀君謨所書孝親崇福

院牌

欲護親塋薦福殊僧藍營葺幾年餘名因先帝鴻
恩錫牌得君謨大字書佛宇增輝良自爾鄉廬傳
美孰加予須知體法多奇處深造鍾王奧妙墟

次韻和崔公孺國博觀新模鄴王書

唐季諸侯孰擅雄鄴邦高襲世勲洪圖功自可超
煙閣接士殊優在雪宮刀筆風流爭戰外生靈安
帖笑談中詩豪墨妙家藏久二美刊傳定不窮

次韻和崔公孺國博觀新模鄴王獻楷公草書

珍藏正獻草書詩傳誠雲來示永貽幾夜風濤偃

松栢半天雷雨起蛟螭臨池學苦應同妙舞劍刃
如未是奇刊石豈徒為世玩更思清節可師之

次韻和崔公孺國博模刻文正范公閱古堂

詩

閱古堂成在北邊希文詩筆美前賢高吟尚紀終
軍策小字如觀樂毅篇欲起貴名增世慕更刊餘
體廣人傳其他事業知難泯盡人仁宗實錄編

次韻荅崔公孺國博西亭感懷

常喜交親燕此中忽移歡緒作悲翁桃陰已盛何

曾語檜影長閑不厭風數漏趨朝心拱北忍飢開
閣客盈東人生易別須偷暇爲我樽前話苦空

甲辰冬雨

凜氣回輕燠涼颼絕怒號飛雲難自拆細雨反如
縑惠澤非常降祥編想共褒民間清歲癘農畝得
春膏天意雖霽洽人心尚鬱陶未逢銀甕出不見
玉樓高酒興來差淺詩情病少豪曾看紛似絮舉
白待風騷

留崔公孺園博

虛亭還喜叩禪詮頓覺襟懷鄙吝拍陶暑屢開河
朔飲聚星看別穎川賢我縻東府成衰叟君向西
湖卽洞天且緩歸期時一笑及瓜趨闕動三年

乙巳重九

苦懣繁機少適懷欣逢重九啓賓壘招賢敢並翹
材館樂事難追戲馬臺薛布亂錢乘雨出鴈排新
陣拂雲來何年得遇樽前菊此日花隨月令開

巳巳郊禮慶成五言二十韻

堯歷方歸聖虞琴始就聲不先惟帝饗孰見事天

明穀旦諏陽復鴻儀備吉行宸襟正祗謹陰孽忽
擎萌淫雨頻興陣寒花幾墜瓊多言搖改卜上意
益專精宗社敷冥祐穹蒼荅至誠陡收連日晦併
與祀時晴待曉披閭闔凝旒下紫清真延陳潔饌
親廟展嘉牲愛旭輝黃道非煙護綵城旌旗停藻
衛鏡吹起嚴更冕服祛繁飾壇壝即自成品煒奠
琮璧和雅薦英莖繼志還虛次尊神戒側迥時傳
旨公鄉等官專奉祠事母得轉班迎駕十齡俄受昨萬乘已旋衡嶢闕
層霄迥通衢衆目傾疏刑空行獄霈澤浹瀛瀛統

業恢長治生靈入太平因知却徽號偉績固難名

次韻和崔公孺國博亭感懷

常虛西館待高賢一見襟懷兩釋然具叩真詮期
進道不論衰鬢逐凋年頑金在礦須教變逸驥無
鞭亦自前相叩屢辭雖未得已齊朝市與林泉

感春貽崔公孺國博

春來天氣作輕寒故使春芳欲見難賴得好風攄
俗憤頌開韶景與人看詩情遇敵豪雖減杯興逢
辰老未闌幸遇親朋時枉駕且偷壺刻奉清歡

次韻和崔公孺國博黃杏花

顆顆裝成藥竈芽日邊開處近彤霞真宜相閣栽
培物更是仙人種植花高行出群猶仰慕香名超
格合洪誇諸賢繼有尋芳會欲奉歡游決自差

貽崔公孺國博

三十年來契分隆更從親炙達真空明非獨善諸
昏破理到無心萬事通莫話離悰傷祖席且留歡
刻醉春風海棠亭下花看發坏子臘脂點點紅

次韻和崔公孺國博遊興國寺廣嚴院

紺園南北壓通寰氣象超然出世間只見莊嚴尊
十地不須微瑣說三山浮雲自縛春春失真境無
塵事事閑我有歸依殊勝願吏文常擾幾時還

次韻答崔公孺國博西亭燕飲

一稔繁機困備負芳時何暇目春妍自慙東閣延
才地得會西豪聚里賢益友至言皆有味禪宗高
論邈無邊須知樽酒相留意老去離異少年懷

丙午上巳瓊林苑賜筵

春光濃簇寶津樓樓下新波漲鴨頭喜節難逢真

上巳賜筵榮入小瀛洲仙園雨過花遺盛街陌風
長紫芝絺襖飲不須辭巨白清明來日尚歸休

首夏西亭

一霎輕塵小雨過園林風物尚清和巢栖舊燕將
成子盆植新蓮未出荷欲就好峰添異石惡侵芳
卉劇狂莎病襟蕭索賓如市孤負良辰樂事多

召赴天章閣觀新刻仁宗御詩

天閣當年拂霧宣紫皇端宸侍群仙親揮龍鳳軒
騰字命經成韶雅正篇勸酌屢行均聖寵賜花中

出奪春妍玉峰光景都如舊但晞宸章極泫然

次韻和崔國博西亭喜雨

暑雨澆然僅作霖連宵殊未曙陰森全祛下土將
焚患盡識高穹不忍心斗厭埃氣開衆目了無煩
熱自吾襟當軒倍勝松風過向必清音一弄琴

永興寒食後池

春意陰陰百五天小池蕭索會僚賢孤芳映水花
終淡勁竹凌軒節自全一陣森嚴林勢合萬魚跳
落雨痕圓當筵暫弭憂邊慮且伏詩魔駕酒船

席上自和

喜陶嘉節曲池邊薄酒何須辨聖賢談席且誇珠
履盛種羗誰問蟻封全白揚花落眠蠶光紅杏枝
殘笑靨圓不似丁年爲帥日醉鄉方擬拍浮船

清明興慶池上

連日陰岑此日晴池頭風物稱清明萬鱗潛卷雲
頭圻一鑑新開水面平兩兩鳧鷖波上沒憧憧車
馬柳間行嘉賓須惜難并會莫厭芳樽冷淡傾

垂蘿洞

池北如趨紫府家亭臺高下景無涯垂揚不絆遊

春騎曲水時飄出洞花萬本竹深藏劍戟一軒藤
老纏龍蛇使君欲共斯民樂莫顧西山下日車

上巳會興慶池二首

元巳開樽處垂蘿碧洞前綺羅明浩渺臺榭插漪
漣曲水來如篆輕撓去若仙春寒芳意晚未見柳
飛綿

興慶池頭三月三柳如拖綬草如衫袂鷓臨水遊

相屬文鷓凌波尾競銜花雨亂飛紅撲蕪峯螺上蓬

聳碧巉巖芳辰况任遊人樂不必低將席帽攬

上巳晚遊九曲池

九曲池邊第一開
艤舟同賞書高才
彎流自得黃河勢
怪石應從紫閣來
塵外恍迷仙境界
竹間深有古亭臺
徘徊復至豐碑下
花萼吁嗟作劫灰

春陰馬上

正是風和日暖天
重陰凌擾苦纏綿
萑心自結憑誰展
柳眼慵開只得眠
草濕謾鋪留醉席
榆寒難擲買春錢
幾時霞外氛霾散
放出紅輪一丈圓

聞轉運范絕仁司封會興慶池

池榭春深合衆芳
使臺來賞好風光
波頭灩日琉璃軟
酒面搖花琥珀香
訪古舊文昏琬琰
記遊新

刻上簷簷臨歸定
借西園步愈覺禪
詮氣味長

西園

卽化先所居

登廣教院閣

岑寂禪扉啟畫關
公餘為會一開顏
高臺面壘包平野
老栢參天礙遠山
花去春叢蝴蝶亂
雨勻朝圃桔槔閑
徘徊軒檻何時下
直待前枝倦鵲還

賞北禪牡丹

一春顏色與花王
况在莊嚴北道場
美艷且推三輔冠
嘉名誰較兩京強
已攢仙府霞為葉
更奪熏鑪麝作香
會得輕寒天意惜
故延芳景助飛觴

次韻和都運孫永待制廣教院三頭牡丹

駢枝三出牡丹紅
竒有雙頭結末工
宛似靈芝相

並秀瑞雲攢處起香風

唐肅宗時延英殿梁上生玉芝一莖三花故云

賞西禪牡丹

幾酌西禪對牡丹
穠芳還似北禪看
千秣紫繡擎薰炷
萬葉紅雲砌寶冠
直把醉容欺玉笋
蒲將春

色上金盤魏花一本須稱后十朵齊開百曲欄

四月望日會興慶池

莫厭煩蒸共此行
臨流臺榭極高明
風前自得披襟興
林杪時聞脫袴聲
洞竹交陰冠蓋爽
砌泉爭響夢魂清
憑軒最切雲霓望
日待民田雨足耕

送湫馬上始見終南

終南頻月晦峯巒一雨民心萬事寬
救微旱苗充歲望
洗開山色與人看
半天橫示全秦壯積雪高連太白寒
欲識象多欣幸意送湫歌舞滿長安

會故集賢崔侍郎園池

崔園高絕五門西塵外風光是處宜
唐室舊池因地得漢宮遺址上樓知
青螺萬嶺前爲障碧玉千竿近
作籬我住鄴臺殊草創一來尤覺翹歸遲

再賦

門徑縈紆洞府間了無塵外累幽閑
長楊十丈亂風雨流水數枝鳴珮環
入戶好峯誰可畫礙人新行不容刪
池亭面面圓荷蒲薄暮飛香送客還

登崔園城上亭

危榭壓頽基登臨事可悽
丘墟唐殿左承秦漢宮西臺古
疑藏劍峯遙不見圭山川難盡識
賴有舊

園攜

覽諸人贈狄國賓察推詩

凜凜梁公萬世尊復唐功業並乾坤
爲臣所守能忠義異代猶思錄子孫
光嗣救瘼雖未振大名瞻何只如存
後人真有志顏志豈特孤風擅一門

送范純仁司封移漕京西

衰拙何堪定繹騷使臺猶喜會英髦
治財純擾常

先恕後用皆亘似不勞此去任賢終漕輓殺時當
路壓風濤豕聲莫擬君能紹日看青雲步步高

涼榭池上二闋

遊鱗驚觸綠荷香水馬成群股脚長逐浪相追留
篆跡偃波垂露滿方塘
病襟思適繞東塘水荇初花吐嫩黃行困老櫓陰
下坐兒童爭喜拾紅娘

長安府舍十詠

流泉

龍首高原折螭吼亂玉鏘帶花春共遠和雨夜何
長冷撼青蛇影平拖白練光煩襟來自滌可待濯
滄浪

涼榭

忠閔規摹壯眈然大厦開無時佳燕在正暑好風
來池面飛泉落林端畏景回誰知仙府路瓊室與
瑤臺

北塘

臺榭生涼處齋淪瞰北塘松筠成夏蔭蓮芰入秋

香疎雨丈寒暈輕雲襯曉光無心投釣餌遊鯉莫
驚藏

雙石

雙石唐餘物來茲孰記年歎空危砌下怪醜好花
前名氏砌猶刻藤蘿穴任穿最宜秋後看班駁蘇
痕圓

月臺

待月西臺早移時凭曲欄雲端開玉葉海面起金
盤燕席通宵雅涼波入坐寒香風來不斷清露裊

紅蘭

池亭

亭出水中央輕風四面涼岸平飛畧約波煖戲鴛
鴦靜夜蟾蜍落清秋菡萏蒼芳公餘時獨坐萬慮默
皆忘

山樓

西北高樓上南山日面攔勢籠秦地勝陰落渭波
寒帶雨新屏濕穿雲古道難仙扁如可道便擬挂
朝冠

流杯

迢迢穿花出
欒環作篆來
若非天上醴
不泛洞中
杯水鳥浮還
沒仙航去
復回蓬瀛
真境事銷
得玉
山頽

石林

叢石競嶄巖
當軒翠撲嵐
疑峯何啻九
仙島迥伴
三潤極雲
猶抱溫多玉
尚含樓高
慵引望坐
看小
絡南

竹徑

北榭層基下
森森竹徑幽
枝繁低拂蓋
根密僅通
流勁節輕環
粉狂鞭怒走
虬風霜胡可
動松栢乃
吾儔

韓魏公集卷之七

宋韓琦雜圭著

明康丕揚士遇校

詩

題致政趙剛大卿臥雲堂

一掛朝冠謝世紛
終南高隱邈難群
不容聖治詢黃髮
徑宅幽巖卧白雲
書檠遠牀唯我伴
磴泉喧枕乃予聞
此時誰可攀真馭
應有浮丘解挹君

題致政趙剛大卿宴息堂

家園休息敞虛堂直造希夷境外鄉無物不推山
下勝有花皆似洛中芳荷裁萬扇悲長信箏擲子
簪醉孟嘗子藹令名居自是主公襟韻日康強

戊申末伏與立秋同日

末伏居常極蘊隆今辰俄與立秋同雖餘暑虐難
禁暑奈有蕭騷起至風冰出魏臺猶示貴扇思班
篋欲收功從茲漸入清涼境林岿寒蟬露晚空

初發長安遇雨

九龍朝發起程初甘澤滂然灑路衢敢倦征途泥
沒踝且觀嘉穀秀垂珠高原直瀉波頭惡弊繳平
穿陣勢麓繡嶺任遙須悉宿蓮花湯下洗塵軀

題靈泉觀

老木陰森蓋滿山蕭條宮殿倚嶺岼留爲治世無
窮戒有足明白皇敷紀歡舊浴已殘湯室暖餘悲常
慘渭川寒欲知百二關河勝更待朝元閣上看

題溫湯

康定西征始壯餘往還休此任馳驅白頭又罷咸
秦帥却向溫湯浴病膚

題朝元閣

試往驪山頂上行朝元孤絕聳崢嶸了無樓殿嗟
餘侈自見耕桑復太平雨後綠苔多滑徑葉間紅
子不知名南巔更就丹霞挹頤與任然病骨清

遊石龕寺路險而返

古寺跨山椒虛明瞰沆漭路危難進馬林密不容
樵飛瀑連雲濕凝嵐帶雨饒崖窮徒一望歸步默
無聊

靈泉覽古

靈館驪山下開元迹尚遺蓮穿噴玉溜字缺照人
碑古殿天姿晦真工石像奇羽衣沉舊曲錦鴈失
前池不見長生鹿猶看連理枝辭雄小杜句意盡
老陳詩治亂由斯監賢愚共一悲時君自奢儉繡
嶺此何知

題鎮潼西溪

芳林環掩密相攬仙府天成似隱潛岑面握牙屏
簇畫溪心平澈鑑開奩穠粧照檻秋蓮合碎玉敲
蓬夜雨添暫柅客軒醒病日日斜無意馭彤旌

題雲臺觀

仙掌峯前羽客家，玉虛宮殿倚雲霞。
最高頂上誰曾到，得見蓮開十丈花。

題希夷先生真堂

伊肯天真被謫書，亦教人境得仙居。
開門翠霧三峯近，合眼紅塵萬事疎。
髣髴舊容蟬已斂，徘徊高隱室猶虛。
何時歸伴赤松子，穩駕尋君物外車。

仲秋之八日觀雲臺觀中觀大師北軒群蒼

盛開

春早凡花百種榮，秋芳能得幾多名。
仙家八月靈葩發，不與尋常俗艷爭。

題玉泉院

兩行修栢夾雲根，引入蓮峯直下村。
病骨醒魂安氣母，幽亭收景厭山孫。
金堆望遠千灘出，玉溜聲喧萬馬奔。
坐歎塵勞無計住，却尋歸路日黃昏。

硤石道中

氣爽風清八月天，雨餘秋色自蕭然。
正當嶺澗難行路，得見田疇大有年。
叢薄遠青供極望，霽雲低

白羊危巔河橋咫尺鄉程便病質雖疲喜強前
澗池道中

渡澗登坡直幾重嶺頭初日上曠隴野花紅紫連
官道露裏清香散曉風

戊申西洛中秋對月

海東推出水晶鉢碧抹晴空曠靄收素景獨宜惟
上節清光無敵是中秋家爲梵室黃金界人在天
宮白玉樓宮此客塗衰病者敢於詩酒擅風流
次韻荅崔公孺北鄙至陳橋驛來別相會

永日勞君倍驛馳相期無失見相思義均呂駕來
千里情過陽關酒一卮喜接禪賢開道眼愧逢詩
將立降旗此行且縱漳濱卧色弄幽并使少見

又次韻荅夜宴陳橋驛

客郵聊得接交親夜席開談彼此真薄酒不辭知
易別征車從解喜難申請看隨分樽壘事可是留
心富貴人早晚共成林下約釣潭風月有竿綸

又次韻荅陳橋話別

欲知連日稅征車傾蓋唯憂後會賒被顧高情非

白眼論空直理黜黃芽還家粗喜松成徑懷印誰
驚綬引花卧治必難逃吏青羨君奇誌託青霞

重九與諸親會別陳橋驛

郵館侵晨舉別觴一時佳節過重陽莫悲白首分
行袂且伴黃花入醉鄉旅鴈帶霜橫塞陣香萸和
露貯宮囊諸君送我無多念病質將休畫錦堂

早發韋城

北去川原極目平修途塵歛雨初時歲豐禾黍高
低積天曉雲霞散亂明宵露尚溥香草木朔風時

緊撼旌旗病襟斗覺精神健屈指鄉邦近數程

初拜先墳

未交符竹展先墳肅肅秋天雨半昏榮入松楸雖
動色感深閨闈復傷魂山川望遠如平日父老歡
迎識舊思白晝錦衣人已駭更留旄節宿郊村

再題畫錦堂

爲郡偏榮晝錦歸再容鄉任古來稀邨人只駭新
章貴仙表誰瞻舊鶴飛泱境士民增慰悅一軒風
物起光輝鏡詩又志君恩厚鼎鑊捐身報亦微

再題休逸臺

水井梁摧幾百秋昔移爲柱立臺頭層基面壘盤
蝸殼倒影侵池側蜃樓拂檻落霞凌綺席入簷初
月誤瓊鈎芳林已合陰成茂不見西山涌萬丘

再題康樂園

名園初闢至和中思與康時衆樂同一紀斗光雖
易老萬家春色且無窮歸來敢銜吾鄉勝到此須
知舊鄴雄病守縱疲猶強葺欲隨民這醉東風

狎鷗亭

亭壓東池復壞基園林須喜主人歸憇棠猶茂應
存愛植柳堪驚僅過圍魚泳藻間諳物性月沈波
底發禪機羣鷗只在輕舟畔知我無心自不飛

觀魚軒

雨後方池碧漲秋觀魚亭檻俯臨流時看隱荇駢
頭戲忽見開萍作隊遊喜擲舟前翻亂錦靜替波雙

下起圓溫吾心大欲同斯樂肯種筠竿餌釣鈞

洗竹

當日曾移碧玉竿繚垣交植競擅爨栽培盡力宜
長盛翦拂無人已半殘洗出煙姿還雅澹削開龍
影起幽蟠此君高節殊堪慕賢者來須着意看

刪栢

翠栢枝繁鬱未伸我來刪理務躬親孤根得地雖
經歲逸勢參天不在人先易工夫知取捨後凋顏
色長精神環林自入他年用莫厭因時翦擇頻

放泉

緩帶憑軒喜放泉映花穿柳逗潺湲誰言勝境須
崑閬自有清音過管絃赴海任遙終澤潤灌園思
足尚留連衰翁日寄南牕傲枕上時醒白書眠

冬至祀墳

至月郊原擁節旄先瑩躬得奉牲醪霜威壓野寒
方重山色凌虛氣自高衣錦不來夸富貴報親惟

切念劬勞連村父老歡相迂因勸勤耕候土膏

燒煤戲成

無臭含天德，資貧乃地珍。羣陰徒肆暴，萬室自融春。
豐稔輕鄒律，歌襦陋蜀民。何妨灰棄道，仁政不
同秦。

悲二木 并序

相之州廡有老松一，在廳事之後，聳直數丈。其上偃蓋如龍形，古栢二對植於寢戶之前。陰覆一庭，松之東有大槐，枯而中空，庖人誤投灰燼於其間，因而火發。前人以謂留松異日必如槐之招火，遂伐之。視栢之森然曰：吾欲曠快其心，不欲此翳于前也。乃命悉去其繁枝，幾禿幹而後止。是二木皆百餘年物也。余再來而悲之，因爲詩以志焉。

偃蓋孤松挺北軒，亭亭雙栢寢堂前。千霄夭矯蒼龍上，當戶陰森翠幄圓。百歲生成猶易拊，近時栽葺欲誰怜。居官好惡宜加謹，詩拙徒思警後賢。

喜雪

昨夜同雲徹曉陰，雪牀輕襯六花深。一開帝宸憂民慮，普慰農疇望歲心。天與酒徒張醉幕，家疑仙

室盡瑤林喜憑^休逸臺西檻羣玉高低聳萬岑

雪霽登休逸臺

休逸臺頭雪有晴
病眸雖澁亦增明
幾年無此三農樂
萬物皆隨一氣清
修竹拒寒森晚節
垂楊偷潤島春情
當軒欲繪西山景
巧筆何人似李成

謝觀文趙尚書寄示集注卷子

公今重釋五千言
一法專求是要詮
天道生成志萬物
聖人功業在羣賢
世塵甚擾吾何欲
謙柄常持彼任先
治國治身非異理
兩無心迹自安然

雙磴

一渠遐引直千金
對激雙輪用智深
本務愛民除歲患
且非爲政有机心
重羅撼雪收長利
嘉植成帷展舊陰
來者相公知日盛
肯教前作入湮沉

瓌林

鹿角料民歲甚勞
故栽榆柳匝城壕
駢枝豈下能離密
聳幹將凌睥睨高
犴敵莫先輕積棘
森嚴吾日披干旄
霜竹謹勿窺微利
惜取金湯四面牢

元日祀墳馬上

三朝偏喜得晴和歲美民康此驗多天運主生方
啟戶土膏乘暖已騰波雪憑空濶高低在風引韶
妍次第過霽靄正開先隴近太行晴日上嵯峨

栽花二闕

名園膏已植羣芳更得新株補舊行非欲後來傳
好事只圖芬馥滿吾鄉

百品名花千種來復尋嘉艷及時栽主人便去心
無恨從向東風自在開

次韻荅并帥平仲儀端朋以詩見寄

退削嘗連上清表遂一開調元辭重任矧冠倚非
才虎士方爭奮羗雛已訴哀遽馳金節覲俄得錦
衣回雅契瞻并府衰容病艱臺孤懷難託鴈芳信
忽傳梅璫瑁遙賓席菊^{甘菊}入醉杯高談嗟阻濶危
榭幾徘徊大鹵誠淹帥中樞卽二台三槐東第甲
還似相車來

次韻荅宮保張相公以長篇見寄

睿聖當亨會真賢上貴途驥程輕歷塊鵬運狹搶
榆大器方膺用清風自少徒危言忘世忌直道得

神扶廩粟常周急囊衣異弗婁臨戎資遠畧進讀
待名儒位峻升中執胡驕賴北徂殊鄰摧桀鷲正
路屏榛蕪機務參籌幄恬波靜海隅高名喬嶽重
勁節老松孤象望歸釣席羣生入化鑪幽遐通滯
塞愁鬱變怡愉明哲成推甫深忠獨許壺上樞俄
任德冢輔適容愚清燕常陪論丹誠得盡輸協心
安國本罄宇保民蘇知止頻思退遺榮遂懇圖連
章傾惻愍重責厭憂虞物議皆嗟去宸言勉賜俞
四朝全始卒一代足師模恣逸林泉樂幾忘僕馬

甫韓城窮近賞嵩谷喜深趨飛溜星分派竒峯笋
迸株買山兼勝得卜宅與真俱壽考何人及優游
舉世無神頤紫虛觀迹謝赤墀塗不意煩詩筆勤
來恤病軀龍章驚表裸雀彈枉披珠酬唱情雖接
仙凡路尚殊終期解官綬先約造靈區
次韻荅王拱宸宣徽將交政惠詩

適辭鄉邑入平川春惱輕寒未禁烟金印此時交
大府銀袍當日接英躔清裘正渴攄堅蘊竅質前
知在化甄衰病早期還舊里不循公迹住三年

上巳屬疾

去年修禊小龍池醉席高吟盛一時今日正逢春
駘蕩此身翻苦病支離浮鷁勝會人胥樂閑閤衰
悰自不知御水有期猶半月雨餘風景願遲遲

會食許公亭

許公亭館壓通津強率羸軀接會賓萬隴得苗經
飽雨滿車餘粟有歸民道中所見退花杏小驚春晚繫
馬蔬柔辨食珍風伯入讒憎樂事怨號終日走埃
塵

扶溝宰周源來求二蘇兄弟留題于白鶴觀

詩

二蘇遺筆匿仙扃賢宰來求爲發明字久半隨風
雨剝氣豪猶入鬼神驚終疑鸞鳳騫雲去不假江
山到骨清人對盛時須自勉醉吟顛草尚垂名

次韻荅子淵趙學士

再乞鄉邦遂志艱十年方得見家山晝衣麗錦過
前寵秋逼衰蒲失舊顏數月又遷當冗劇一生曾
未識安閑故人千里無由懇賴有詩筒去復還

再荅二閔

從來交分擬金蘭一紀前同陟道山君畜高才終
未偶我居榮路獨何顏鄴臺將卜全身退治宅先
輸任意閑感舊倚樓空自歎不知飛翼倦知還
退謀休治勇難攀性得清虛不在山十畝足居應
幕甫一瓢猶樂直師顏誰論世路風波惡漸見仙
家日月閑我亦安陽蝸舍就羨君殊欲幅巾還

寄致政趙少師

兩曾擎日上高天遽脫浮榮請退堅竈殿大邦方
異禮確申前懇甫踰年三師共御青宮貴四海皆

稱白傅賢自顧衰殘歸未得幾時平地接神仙

又寄二闕

月榭風亭勝雅名主公閑適愈多情芳樽屢酌瀟
洲上誰聽霓裳散序聲

到處園亭列畫屏四時如只在仙扁歸來便是無
為樂不必重箋道德經

登望宸閣

危閣輕裘陟望宸欲逃蒸暑若憂焚清風自越兼
金貴直境都無數仞分歸渚水禽明似雪擾空沙

燕闌如蚊憑軒眷闕羈魂斷亂逐南飛送雨雲

登金銅門

當暑思來坐北軒俯看形勝在簷前樓臺突兀陵
高木城堞縈同際遠天萬室正虞多曷者一身慙
獨御冷然歎煩盡無心下欲悵輕綃徹夜眠

立秋日後園

亭館雖蕪勝勢存病襟猶足滌冥昏晚涼天氣秋
風入雨霽園林伏暑奔古榭穩騎危岫翠御流遙
瀉曲池渾河魚未獲山芎效幾廢良辰命客樽

己酉中元

煩蒸未得到中元餘酷侵人尚鮮歡病寒不能衝
酒堰氣清終已倒盃蘭陣編就榻將閑懶危閣凌
風欲下難閉道禾卷盡踰尺日西偏喜夕霞丹

仲秋席上

去年西洛過中秋正怯清光刺病眸此夜北都逢
好月喜延嘉客上高樓真君自與風塵絕雅句須
窮造化搜但引流霞歟白雪豈殊身在廣寒游

九日水閣

池館隳摧古榭荒此延嘉客會重陽雖慙老圃秋
容淡且省寒花晚節香酒味已醇新過熟蟹首先
實不須霜年來飲興衰難強漫有高吟力尚狂

次韻和機直強至都官喜雪

凍雲凝結遠成堆雪意應隨雅客來滿地粧梅知
臘近一天風絮誤春迴玳斝賓席豪詩筆珠玑歌
喉滑醉杯痛叟有心萌酒戰明夷鐘鼓不衛枚

次韻再答

天和人意共昏昏飄擲繁霏助客樽正會笙歌閑

醉目忽驚珠玉得嘉言已凌衰鬢爭霜采更拂妖
顏上粉痕東閣有賢才調雅媿無優禮紹公孫

雅集堂

過馬傳名事莫詳我嚴賓集在更張不資金石升
堂樂務接芝蘭入室香農獲大豐歌滯穗訟銷群
枉詠甘棠時開雅席延諸彦病守心閑興亦長

望宸閣雪後

重陰初釋六花殘試倚危欄一望看魂爽頓如居
物外句新難得上毫端酒收豪席珊瑚碎風刮仙

盤沆瀣乾化就兜羅綿世界鷲宮高插白雲寒
已酉歲除夜雪

故曆將除夜未晨暖風輕送六霽勻及時皆喜逢
三白伺曉何妨具五辛一箭尚留終在臘萬花潛
發欲驚春藏闔令惡傳杯速歡殺紅爐守歲人

春陰席上

臘寒初破作春陰澌澌銅鳥遠漏沉氣拍笙篁聲
易軟澗勻梅柳色潛深已催豪俠將狂興更惱衰
殘欲病心任展輕緝誰畫得霧昏樓閣半遙林

龍興燈夕

花雨交加墜寶坊萬燈全掩玉蟾光幾時蓮與春
風偶此夜人如蜡日狂俗樂一時趨壽域路迷無
處不仙鄉當筵自是壺中景莫訪金吾漏短長

上元遇雨席上

此夕濃陰送雨來真天意可輕猜欲催嘉卉乘白
時發似抑妖蓮作僞開強沸金絲終斷續半濡四維
綺尚徘徊街前一任遊人散興聽新聲盡醉壘

春雪

幾陣風凝霰作牀穩承花雪入春芳南園蝶舞都
疑亭北嶺梅開只欠香氣暖不容冰筆就潤深潛
引麥針長衰翁未得和陽助且自宜城抵醉鄉

中和節後園

半銷殘雪在庭阿寂寞園林試強過正病寒威連
月困不知春色一朝多小桃樓角香心動百舌枝
頭語意和促理新聲加釀酒只憂韶景去如梭

仲春釋奠

明祀嚴先甲嘉辰歷上丁采芹因舊館釋菜協前

經俎豆由斯學染盛信匪馨欲知時祭重百世仰
儀刑

庚戌二月十六日寒食會雅集堂

百五嘉辰此命筵中分春色極芳妍花遺嫩靨饒
風地雲拆輕陰半雨天淑景萬容粧節物勝游千
路入神仙酣杯莫顧歸時夜藏火難逢月尚圓

會壓沙寺觀梨花

同賞梨花過淨坊壓沙幽閨面平岡孤園不治黃
金界醉筆徒誇白雲香風急幾翻雲影亂殿深全

掩玉毫光朝來經雨低含淚競寫真妃寂寞粧眉
雨降

次韻和宋迺推官壓沙惠詩

天知人意喜春娛故作輕雲捲復舒風撼花飛鋪
宴席雨平沙穩助流車蛾顰嫩葉初眠柳馬茁柔
椿未薦蔬何必笙歌喧坐上且延歡伯侍香裾

過全福寺

伊昔豪英襲將牙更崇因果欲何加精藍世自傳
緇眼繪像塵誰障碧紗詩好盈編堆錦組字奇隨

筆走龍蛇空餘舊史高風在衰替嗟吾外氏家

留題相州王玘推官園亭

王氏名園枕子城主人方壯使遺榮栽花直欲春
長在愛客誰憂囊盡傾萬景併歸閑日月一身常
寄小蓬瀛吾居甚邇還空鑠不遑堪爲達士輕

韓魏公集卷之八

宋韓琦維圭著

明康丕揚士遇校

詩

上巳會許公亭二首

三月三來御水涯古亭春色綠相遮牡丹已認冠

叢葉郁李真疑綬打花席上所獻侍妓寢歌成雅席惡

風吹酒入微沙土囊終夕從飄怒不障清歡被樸

家

元已乘閑到許亭勝游差遠幾閑局尋春自失花
顏素愛客偏同柳眼青曲水車遥存燕喜井棠人
去想儀形許公楔筵莫想杯行教歸轡迎風酒

易醒

次韻和通判錢昌武郎中上已許公亭惠詩

亭館蕭然古岸頭園林雖雅背清流感時堪惜芳
菲過拖病須扶被襖游歸艦逆風乘醉去落花隨
水帶香浮載車欲繼山陰事立賦新篇不易酬

次韻和留守宋迺推官游寒御河二首

笳鼓齊喧泛御津何妨同俗樂茲辰中去三節物
初過五青社以十三日為中八十春光未破旬紅
旆厭風收電脚綠波蕩擢散魚鱗欲知治世界平
象請看熙熙兩岸民

三月春容駘蕩天御流飛舸引雙旌十分芳景無
三二四合遊人有萬千花任風殘猶逐水酒隨歌
半已空缸病夫且伴嘉賓醉不過明朝卯尚眠

三月十八日上水關

河曲春遊得舊傳使君從俗上蘭缸低蓬密罩香

羅綺小艇交颺細管絃有獻滿盤供芍藥競豪臨
水落鞦韆歸來夾岸民觀甚望遠應李郭仙

三月十八日會望春亭

此日傾城樂御河作河生日語應訛波涵袷服千
花亂風壯歡聲萬曲和元已嬉遊非俗尚十洲光
景得春多衰翁欲書都人興醉弁歸同夕照俄

西園初暑

可愛西園夏景長南來風好拂襟涼樓臺軒豁年
殊舊池沼乾枯雨未滂羣鳥護雛時起鬪衆花成

子幾堪嘗欲知逃暑芳樽味沙遇林禽王溜漿

寄西臺子淵趙學士

昔年瀛館接仙才宮路升沉孰可猜直使庸鷲叨
上笏却教賢傑老西臺莫悲居處荒三徑且把功
名寄一杯應笑位高歸去晚謗多終日怒蚊雷

苦熱未雨

驕陽為虐極煩歎萬物如焚望沃焦舉世不能逃
酷吏幾時還得快涼飈精祈擬青泥龍效大索誰
誅旱魃妖翹首岱雲膚寸起四方膏澤盡良苗

雨足晚晴

掣電搜龍發怒雷欲驅時早滌民災四溟滂澤三
農足萬宇愁襟一久開虹影漸從天外散蟬聲初
到枕邊來高樓小酌清風滿不勝當年避暑杯

庚戌秋分

浙浙清風葉未凋秋分殘景自蕭條禾頭無耳時
微旱蚊甯生花毒漸銷錢送嫩苔陳閣靜字橫窗
鴈楚天遙西園宴集偏宜夜坐看圓蟾遍麗譙

中秋遇雨

待月中秋一肆筵雨輕雲晦似無緣何須寒影搖杯
面且命高歌醉目前莫向此霄空悵望定應明
夜亦嬋娟憑欄可柰時人意不愛清光只重圓

次韻和通判錢昌武郎中秋遇雨

靈祠躬禱極伸虔唯恐愆陽病晚田不恨高樓空
宴月却欣豐澤入民天且歌多稼將棲畝莫賦喜
期動隔年媿誤賓軒侵夜散阻看銀界爛三千

中秋筵散雨餘見月色

正苦中秋暝雨侵忽驚涼月綻雲深壺光未透冰

涵玉鑑影微昏
蘇上金彩筆怨吟幾絕
望巨觥酣戰欲重尋
爛熳似慰人心鬱
時放蟾輝漏薄陰

重九會安正堂

欲安衰朽敵虛堂
竊信孤忠敢自當
本幸歲時同衆樂
適開樽俎遇重陽
黃花旋挿香環坐
翠嶺新成妙出牆
留與荆都爲故事
年年常占好風光

重九晚登騎出樓

蕭疎嘉節得陽重
病守西園此又逢
且奉賓歡窮勝事
莫悲秋色動衰容
管喧銀字凌歌席
菊碎金

鈴上醉鍾何必更臨高處會
北樓深古近騎峯

壓沙寺梨

壓沙千畝敵侯封
珍果誠非衆品同
自得嘉名過冰蜜
誰知精別有雌雄
常滋沈澆克肌脆
不假燕脂上頰紅
四海舉皆推美味
任從潘賦紀張公

送卿師上人

區區京轂幾經春
不退方能運法輪
欲舉筌蹄皆自達
縱罹寒暑豈吾辛
大千雖納寧多施
一切誰多得度人
我已心中了無物
重煩師說究微塵

送謝山人歸紫霄舊隱

董君壇側杏林新董山所種杏今已無有山高卧
董君壇側杏林新董山所種杏今已無有山高卧
雲霞獨一身已究丹經成大藥更居仙府得長春
仁心務濟誰思報道術逢知卽示真暫別山來應
自笑紫霄曾未識紅塵

通判錢昌武代歸以詩見別次韻爲答

衰病何堪治鄴臺貳車猶喜得高才方資庖刃技
虛利忽愴瓜時及代回別袂醉分雲共慘去塗塵
寂雪初培劍光久已衝牛斗力振沉埋尚愧雷

屢雪

欲識經冬氣倍和高穹回矚念民瘡盡搜秋夏乖
龍起併與寰區瑞雪多是處玉峯開壁府幾番雲
浪溢銀河來乍定過前年麥銷得衰翁醉又歌

雪二十韻

天宇昏凝幕星潢凍滿津報豐推上瑞散利決無
垠皓彩生和燭深仁出化鈞乘時驅瘴氣幾日困
疲民滿慰三農望潛基萬國春道山誰辨玉佛界
普成銀綬舞疑翻珮徐來類積薪盤高檠露葉隙

細入駒塵易掩妖顏媿難藏厚地珍墜輕時斷續
勢猛忽紛綸肯使瑕瑜見惟思沃瘠均歌妍皆似
卸璧碎不因秦鞞冷侵馴鹿符先逼琢麟充盈是
谿壑挺特有松筠近嶺梅先發瀕江練更勻樓臺
競瓌麗蟾兔起精神病骨驚新怯書惟憶舊親風
流資醉日豪放任詩人陳閭方多暇睢園喜命賓
宣城須大引佳味過吳醇

次韻和張宗益工部初到相臺書事

園池開拓費經籌雅意奚專自宴休好事庶逢賢
守繼康時聊便里民遊一聞公暇閑無敵頓激歸
心浩不收早晚再容懷綬樂亦松高趣遂希留

再和

銅雀臺邊事少酬名郎來守喜安休吾民正遂歌
襦樂我里井忘衣錦遊詩筆入神春益健寧杯窮
貴夜方收鳳池時復思蒙奪奈鄉人欲借留

又次韻和題休逸臺

昔年衣繡臨吉鄉後圃力變池亭荒井梁生澁臥
耕壤螺榭岌業營高岡易爲隅柱極增觀下視衆

嶺森成行錦鱗遂落閑者釣誰喧歌酒臺東堂

再和

臺前風景無時良臺上之樂殊未荒閑延真侶在
蓮島練句羨玉生崑崙銅壺報刻緩星箭金釵送
酒排花行鈴齋長寂得吏隱便是道家虛白堂

次韻荅張宗益工部

肯忝臨濟守娛心自逸公閑愁放天上真景得盡
中燕處雖云適規模惜未豐恢因隳舊堞架宇出
新工材品珍方用花名異始充泉分沮水堰梁下

鄴城宮今始推良牧褒辭借病翁笙鏞諧廟瑟珠
玉滿郵筒詎敢矜前政徒知偃下風北堂留衣錦
西嶽峻維嵩林逸簷稍月榮歸浪襯虹班條多暇
日清賞此何窮

殘臘

北土嚴凝氣候偏臘殘池館愈蕭然長河水塞多
寒地密雪雲繁三白天粧點瑤林連霧淞北人以重霧著
物謂之沉埋茵草未芊眠但知催釀宜城醞終見

春芳次第妍

次韻荅致政宮師張相公

早謝樞衡貴道遙
晒衆愚樂從黃卷得游命
赤松俱風雅
樽前事雲山
世外娛何妨
紫虛卜
紫虛谷乃公庵
散髮伴樵蘇
居之

次韻荅相州張宗益工部

處暗頻驚擲夜光
千金高價恨難償
蟠桃入口知仙味
鈞奏醒魂認帝鄉
辯解重圍思疊疊
戰遂強陣怯
堂堂懷歸見是衰
疲甚不為吾
剛挫舊腸

又次韻荅

故人憐舊政
褒惜一何深
營葺推勤治
優閑稱道心
池臺資勝事
風月入高吟
酒戶雖難角
詩盟已屢尋
詞豪耳自屈
氣銳敢輕侵
竒變雲霞爛
冥搜海嶽陰
暄和生嶰律
淡泊寄陶琴
但媿衰聾耳安能別大音

辛亥二月十五日

倏忽韶光一半過
寒城猶尚壓暄和
故推春色歡終減
屢失花期日旋那
病骨不禁風料峭
哀悰難過醉吟哦
凭欄更爲芳菲惜
重取輕苦擁舊科

辛亥寒食

寒食春城是處花唐賢詩好此難加柳眉拖霧舒
還皺月脚縈雲綻復遮_{此方雨農人}抔_{謂之解}抔_抔喜隨膏雨解_{自去冬}
妓版停歌不振牙_{雪後至}

清明會壓沙寺

時節清明府事閑壓沙高會啟禪關妓歌沈席推
翳舌_{樂不聽}花影搖樽銜粉顏春色滿添膏澤後人
心和入醉遊間坐中尤覺風來好白雪飛香混博
山

同賞梨花

興福梨珍號素封千林花發此欣逢風開笑臉輕
桃艷雨帶啼痕自玉容蝶舞只疑殘靨墜月明唯
覺異番濃尋春已恨來傷晚莫厭頻揮灑灑鍾

又一闋

花下延賓啓宴杯回頭香雪卽成堆主人自挈宜
城釀不爲青旗趁雨來

辛亥上巳會許亭

修禊園林枕御津宴亭軒豁足娛賓羲皇治世舒

長日崑閬仙風爛熳春晚俗且將詩送不聽縱
吟湏仗筆爭神會餘俯仰皆塵迹不醉山陰定笑
人

許公亭席上別鎮帥呂公孺諫議

元日津亭景物嘉喜留軒馭弭高牙棠陰共識思
賢地柳色偏傷贈別家御水少陪乘興棹潭園難
趁及時花杯深莫拒勤拳意去路青輝日月賒

同賞牡丹

國艷孤高豈自媒寒鄉加力試栽培當時尚昧隨

和貴今日真逢左魏開名品已先推洛譜夢魂唯
恐失陽臺花王親視風騷將中的方應賞巨杯

辛亥三月十八日遊御河二首

都人殫出集河湄猶記從初放水時三五已過修
禊宴浹旬行作送春詩微波濺鞵仙浮棹曲岸當
墟柳映旗自笑遨頭哀復病也同歡俗恣追隨
從俗汭流輒命盃平沙經雨潤河壩百泉遙汎初
來月三月深春欲去天夾岸綺羅香未散幾船絃
管沸爭前波間無限能酒者不信迎潮絕技先

遊河遇雨

開席臨流雨驟侵都人殊鬱勝遊心侍娃不見塵
生鞭農穀偏欣隴拔針野雪鬪高閑未按不聽峽
雲爭去杳難尋無過却下船中坐豈廢衰翁醉又

吟

次韻荅致政趙少卿

登科常媿處盧前釵齒於兄小十年鶴不稱軒猶
自若鴻誰能弋已安然山頭俗駕歸誠晚湖外扁
舟見獨先惟有大鈞公道在方圓隨物舊同甄

喜雨應禱

連月愆陽作旱災龍壇申禱潔三垓至誠始懼早
高隔喜應俄如影響來喜濶農心歸擊壤潤深天
意不驚雷大鈞廣播知難報埏埴何嘗望一杯

次韻荅簽判沈唐大丞應祈雨足

一雨滂沱過作霖油雲隨禱極陰森微臣未必回
天意靈荅潛知渴衆心瑞絕莫先惟在穀價高難
擬不論金朝來田畷更相賀犁下侵淫二尺深

寄致政歐陽少師

獨步文章世孰先，直聲孤節亦無前。欲知退足高
千古，請視經猶疾五年。在我光陰長更樂，扶天功
業去如捐。西湖風月誰為伴，笑許當時處士賢。

盛暑思接榮歸之游，寄相守張工部

伏暑如何散鬱陶，榮歸陪賞望空勞。紅芳照檻蓮
千頰，綠蔭環波柳萬條。趨第小車誰競挽，見山新
址日增高。遙知賢守多娛地，詩筆雖豪酒未豪。

辛亥七夕未伏

二七今同未伏辰，初秋時候暑微熏。星橋舊說通

靈匹割肉何人遺，細君瑩席水寒心。共爽噪風蟬

急耳，欣聞郢中新曲高。難和唯付珠喉任，過雲時

判沈大丞有七夕新曲

七夕會關亭觀蓮

陶暑娛賓次水西，滿塘蓮艷馥軒墀。荷均似學傘
翻去，房曲如將盞到垂。肯把風流欺儉幕，且憑歌
調擬吳姬。從來拙宦老難巧，任過靈光醉不知。

貽刑臺史大鄉

憶帥秦亭二紀餘，當時賓幕盛芙蕖。推牛共樂迷

場宴倚馬常資記室書台席久從還綬退月解猶
滯剖符居樽前想解留連意一笑難逢易慘袪

元城埽行河

怒河秋漲俯都城縱壘長堤豈易平氣悍若從天
上落勢高難使地中行築垣居水雖危事沉馬回
波是至誠故道幾時循禹跡免教常歲害民生

行河道中

鱗鱗郊隄引雙旌頓豁塵襟病眼明微靄際空隨
日破遙林環野接天平榛莽禾重籠新雨越犢牛

閑罷力耕策馬故尋場上跡移時飲在綠隄行

辛亥八月十六日杜始月望

中秋不必拘三五推望時方月正圓已薦杜壇通
盼蟹始開賓席對嬋娟清光自喜今宵滿俗會從
輸一日先樂事幾爲風雨破直須歡飲倍常年

辛亥八月十六日夜復值陰晦

舒輪方滿正中秋報社神歆已降休且共良農歌
稔歲何須明月照高樓金絲自壯歡吟氣風雨終
爲樂事仇酣飲野翁獨帶斷不爭豪飲亦堪羞

中秋飲散始微見月

待月中秋欲共歡不堪陰晦阻群親賓歸已微青
油幕雲綻聊窺白玉盤就榻酒狂平未歇據鞍吟
苦得應難孀娥此夕潛何甚專要人將別眼看

九月四日會安正堂

秋光濃拂使君家尚去重陽五日餘且誦好詩成
素飲更先請客對黃花池萍漬雨錢錢密寒鴈書
空字字斜但縱高吟開醉膽莫敬搖落動悲嗟

辛亥重九會安正堂

斯堂曾許占風光

去年詩有留與鄰都為故
事年年常占好風光之句

頃到

重陽復命鵬坐上半非前歲客杯中無改舊花香
初晴已過登高日散慮宜趨自得場唯有一時詩
酒獸願開強戶振雄鋳

即席再賦

蕪膏逢節佐賓壘屬和當筵盡雅才銅鉢一聲詩
已就金鈴千朵菊爭開月朋正有抽毫樂夜永何
妨秉燭回無酒可嗤彭澤令東籬空望白衣來

辛亥重九登山樓

西北樓高四望長
登臨還賞節辰良
荀陣盛集星
先勳相衛名山記
字詳璣琚不妨歌
醉弁菜莫唯
自闕香囊病翁安
敢當能賦只候英
瑤作報章

和運判張端祕丞戲題安陽郡園

垂楊陰裏百花開
誰記當時任意裁
好事繼逢賢
太守筭無心望
主人來

代郡園見荅

畫錦輕拋又幾年
縱逢春色亦依然
爭知臺榭笙
歌外盡是猿驚鶴
怨天

再戲郡園

一辭康樂困喧囂
花笑鶯啼似借嘲
日望君恩容
病質得歸應自解
詭詭

再代荅

買臣素賤猶鄉守
莊舄雖榮尚越吟
已葺吾園似
仙府莫教歸信苦
沈沈

韓魏公集卷之九

宋韓琦稚圭著

明康丕揚士遇校

詩

御河舟中

過慮先河備輕舟造愜山驚鷗情自動流水意長
閑村落多農外寒温不定間如何援民溺搔首只
空還

視河愜山

河決金堤在漢城曾推延世此經營安人爲愜當時意立事因垂不朽名誰鑿故山醜御水却通新漕入都城一疏一塞俱稱利暫訪遺蹤豈易評

至節筵間喜雪

至節開樽就席前六花飛舞助賓筵颺空自勝重羅麵引滿偏宜旋絮綿合坐歡談霏屑地幾聲橫笛落梅天况逢陽復真亨會羸取笙歌爛醉眠

元宵席上

燈燭森森萬象羅徹宵車馬罷誰何追人好月嬋

娟滿帶雪輕寒料峭多佳節俯從何冷寢羣心俄逐韶音和得旨放灯乘春自欲開民鬱不爲樽前笑與歌

次韻荅致政歐陽少師退居述懷二首

日跂高風謝世紛只思移疾卧漳濱萬鍾糠粃常知慕三徑蓬蒿欲自耘忠義心誠終老合仙凡岐路此時分唯瞻天外冥鴻遠會起卑飛及舊羣塵俗徒希勇退高幾時投迹混耕樵神交不問川塗闊直道難因先病消魏境民流河抹岸潁湖春

早柳縈橋相從誰挹滄江直袂左右琴書酒滿瓢

壬子上巳會許公亭

來守留都第四年年元已此開筵一春曾喜陳
歌舞三會皆逢去管絃無樂只憂辭酒客多寒誰
辨惜花天欲看郊外風光野更上亭西祓禊船

上巳視恆山新堤

元已西津禊飲中築防因視山恆雄調夫雖擾三五
農業禦水猶希一簣功曲突慮微方絕患開門輕動
敵是招戎岸邊觀者應相笑遭賊徒驚過後去年

第五
婦決

壬子寒食會壓沙寺二首

踏沙徐入綠楊中漸見祗園寶勢雄栢奮怒虬環
古殿花遺嬌靨散春風娛心未放歌聲好對日難
窮幻術工不作樂共醉一時寒食景不須庭際牡

丹紅花全
未發

一春光景速奔車且趁良辰會壓沙藏火未須傳
蠟燭感時空自把梨花笙歌不作芳菲主風雅終
成冷淡家歸路復疑霄漢上御波舟穩視雲霞

同賞梨花

寒食西藍賞素英白毫光裏亂雲勝莊嚴金地三
千界顏色瑤喜十二層后土瓊花慙我寡唐昌玉
蕊豈吾朋雪番預約爲亭號修創終逢好事僧

落花

萬點送春飛人悲未足悲禪關無問理溪曲過開
時鈿委津陽路風回洛水湓流年來自去醉莫論
空枝

壬子三月十八日遊御河二首

寒食初過始及旬

八日寒食

魏都偏重此佳辰傾城盡

春
作河生日匝岸皆如蜡祭人幾艦神仙疑駭俗一
川笳鼓任同民東皇似助熙臺樂併與千門萬戶

三月遊河魏國風愜山通日正暄融壓沙寺古花
殘雪過馬橋高水飲虹衆樂自深春色外萬愁俱
泯醉吟中天公恐雨傷民意只放輕雲暝碧空

舟中再賦一闋

畫鷁雙掠水飛一天雲重鎖春暉遨頭不與追

鏡鼓無限遊人寂寞歸

安正堂觀牡丹

何須風雨苦相催自結東君不在媒
開晚要當三月盛艷高宜作百花魁
好期天上香魂返長對樽前醉玉顏
誰道元興能體物只教羞死刺玫瑰
致政官師張相公遠惠佳篇謹次元韻為答
八十康寧極品榮神仙居處足願生風
騷此日資高尚事業當年有太平酒量
更從閑後長禪心偏向靜中明自嗟
不及飛來鶴公向在京有鶴自至馴養不去能伴

公遊稱道情

又次韻和續成絕句

醉卧嵩雲得句豪豈知平地有風濤
應嗤病驥益車重終日長鳴只告勞

聞致政趙少師遠訪歐陽少師于潁川

一憶賢交動至誠安車雖遠必勤征
荀陳為會還推象拙出相思不問程
洛社成圖茲易合越溪回擢彼何情
西湖便是瀛洲上莫接仙遊跨海鯨
聞前都水王荀龍郎中將率二三知舊遊天

平山寺

天平高絕是家山，兩治安陽欲到難。此日名郎真
好事，直攜嘉客遠同觀。峯擎寺脚重霄近，電起潭
心六月寒。遙想醉吟崑閬裏，亂飛珠玉出毫端。

次韻答致政趙少師感懷

羨公朝夕挹浮丘，應笑吾曹窘若囚。塵外有誰攀
逸駕，壺中何處着閑愁。心休已得天真樂，身退猶
存國事憂。積善由來神所勞，生膺全福不須求。

壬子中秋對月

一輪徐出海東頭，皓彩全供白帝秋。桂跡自消安
在斫，寶光無缺不因修。池心影撼金鱗碎，杯面波
隨玉液流。此夜圓蟾看處好，何須偏上最高樓。

登大安寺閣

岩堯飛閣聳晴空，此過層梯第幾重。四野風煙籠
勝地，半天金碧護真容。浮圖逼檻抽雙笋，睥睨排
雲矗萬峯。數刻飄然霄漢上，直疑超界脫塵蹤。

八月十九日賞菊

春英無不惜，開遲秋菊常。懷素景悲憤，負晚霜耳。

索寞忽逢先閨促離披欲移庭檻嫌傷早擬泛賓
壘未入時自是寒花當守分一違佳節速人嗤

壬子九月七日會大安寺

蕭晨禪宇履踈遊才去登高二日前欲識先期成
雅會要聞清論接英賢何須白雪喧歌板自有黃
花泛酒船危閣半空同倚檻一般重九寂寥天

壬子重九

菊有黃花氣候移陽香萼已乾枝金鈴後圻孤
芳在玉液輕浮一醉宜煙渚月來鴻自適霜叢飛

遠蝶何知風前客帽從吹落且伴山翁倒接羅

趙資政再尹西蜀

坤維求尹此難才重倚真賢出上懷一去棠陰歌
蔽芾再來人樂似垂崖新承綸綍從天別舊過山
川作畫排莫候使星臨益分卽回符采正三階

壬子冬至喜雪

陽氣初升力尚微雪花來促故陰歸潤滋柔荔乘
時出暖逐輕灰應律飛彤筆喜豐書瑞牒土圭收
影待靈暉漸長班集應同賀劍珮光寒拱殿闈

次韻荅接伴夏倚少卿

定幕雍容綠水濱使軺今喜接光塵當年不足稱
良冶此日空慙問大鈞鍾鼎已無前飲勝笑言應
認昔懷真開樽莫惜俄歡弁數刻相違易愴神

壬子十一月二十九日時雪方洽

近臘猶慳六出繁忽驚盈尺及民寬萬方蒙澤人
人賀通夕無風陣陣乾危石蓋深鹽虎陷老枝擎
魚玉龍寒欲知壘鷲銀爲界試陟高樓一望看

新移宴廳

魏藩池館有唐風寧宇眈然制尚雄歲月已深摧
巨棟庭除非舊逼離宮稍遷基址囂塵外適在園
林掩映中從此命賓何最盛四時嘉景盡牢籠

癸丑初拜先墳

畫錦三來治鄴城古人無似此翁榮首過先隴心
還慰一見家山眼自明釀酒故廬延父老駐車平
野問農耕便思解綬從田叟報國慙雖萬死輕

次日早赴西墳

風入旌旗撼曉光兩望親展喜非常
濃陰蔽野瞻喬木逸翫極天認大行
自歡重茵寧及麓從垂三組敢夸鄉
路人或指榮雖甚明哲何如漢子房

墳北觀泉

墳北清泉味至井寺僧滄蓄已成潭
躍魚靈感思追孝酌水高懷不戒貪
禹單日滋珠競出一天晴落鑿方函
慙延嘉客求新句欲創幽亭卽就龕

初會畫錦堂

重向高堂舉宴杯四年牽強北門回
故園風物都

如舊多病襟懷遠一閑白髮耻夸金
絡騎綠陰欣滿鐵梁臺因思前彥榮
歸者未有三曾畫錦來

次韻荅提點醴泉張東益工部喜還鄉郡

倦飛垂翼奈勞何喜向南枝得舊窠
三治故鄉前世少幾思遺履上恩多
病魂醒處安閑枕酒量衰來怯巨螺
復聽雅音清曠耳笑居誰辨九韶和

初會榮歸堂

當年嘗欲志榮歸因建虛堂面北池
樽俎落成方一有栽園林爲主已輸誰重來
故里前恩在難報深

仁舊老知須俟安車時訪此踐言人始信昔詩

再題狎鷗亭

危亭初起俯清濤只得當軒幾醉吟一日知園傷
駭別四年宮闕動歸心簷前好竹今成篠波下修
鱗舊種針鷗識再來尤不懼向人馴狎似家禽

初登休逸臺

休逸臺高復佐桐依然風月喜生顏城頭仰視親
栽柳天外微分舊見山草色且喜歸後怨禽飛同
到倦時還欲知恩許三來幸錦爛輕裘白晝閑

榮歸觀蓮戲成

風捲蓮香不斷頭田田荷影動清流紅包密郵魚
鷹坐綠蓋低容水馬遊時折嫩梢供玉著更裁圓
葉代金甌何知蒲艦傾醇酎醉向花前打拍浮

耳葦雙磴

昔嗟官翹歲勞民嘗引新渠激磴輪若念經營存
愛利肯從隳朽貴因循軒楹遇葦知還舊花木欣
來似見春已作州人游觀地卽期同俗樂芳辰

喜雨

何假道雷擊怒桴點傾嘉澤浹民區經時亢隔群
心駭數月焦熬一陣蘇已發宋苗安在握再生莊
鮒不虞枯須吏慰滿三農望却歛神功寂似無

再題康樂園

舊拓名園壯鄴中本思行樂與民同閭閻已慣春
遊盛花木誰矜半植功愛客笙歌雖不定稱時風
月且無窮三來縱賞人休誅白髮蒼顏坐醉翁

次韻荅安撫滕甫侍讀誕日惠詩

椽筆親揮善祝詩老顏筋骨逸如飛玉關尚抑勳

侯入遼海先欣病鶴歸顧眄已知增氣燄夢魂猶
想接容輝宸襟一日懷忠藎呂節星馳出禁扉

癸丑七夕會北第

荒居聊足奉賓娛隘甚難希玉枕呼秋候俯新零
白露初一日仙斯還喜望黃姑雲間誰識橋橫鵲
庭際方欣網掛蛛天與性靈元自拙却求星媛可

同無

中元病起

中元時俗類秋嘗病起躬行力未強糶米巨炊知

早熟孟蘭方倒喜初涼風摧豹脚蚊休拍露逼鷄
毛菜已長皮骨僅存心尚壯猶思荷葉當蕉觴

次韻答張宗益工部喜陳薦龍圖竇璘卿侍

即同至相臺

嘉客非期會如因病守邀靜俱知道勝隱不侍文
招柳色堆瑤樹荷香湊綺寮幾回杯興逸同欲御

仙蹤

次韻答陳龍圖述北第林泉之勝

老顧菟裘欲退藏一區宮宅已過楊林泉不較爲

生厚名節猶希到死香粗葺蕭居忘湫隘喜

任荒涼賴逢素舊時相樂同入無何嘯

題王荀龍即中長興院新葺雙清堂

初無好事名君來殊欲稱高情誅茅治屋

施洗竹疏泉得二清苦任雪霜凌勁節靜

月瀉寒聲因知嘉號非虛美翠擁流環豈

八月十四日留監牧張竚職方賞月

八月清商欲半前欣留嘉客啟疎筵採蕭方釋三
秋詠應曆從虧一莢圓密訝雲藏臺面柳靜看珠

出水中天銀蟾影裏金樽倒樂似隄琴不上絃不聽

中秋陰未見月

雲惱中秋湊月昏失明疑值老蟾吞枉刪疎柳延
孤影有柳數枝恐礙肯晃芳樽滌醉魂好射重陰
開六幕任均餘照及千門便從到曉漫天黑不禁
詩家萬駟奔

次韻荅前水監王荀龍郎中重九感懷

應厭偏州節物荒重陽前忍去安陽雙清易感霜

莖怨

君於長興院初簾
清亭薰水竹之勝

三雅難留露葉芳不惜高

吟來近署尚思衰叟會寒鄉誰知衣弊京塵客乃
是南宮卧錦郎

重陽二首

崛起層基正面山登高疑自出塵間一天秋色清
吟筆萬葉寒香發醉顏與衆且同今日樂相逢難
遇此時閑猶輸陶令歸來興翩似冥鴻不可攀

菊有花爭一日先

今歲九月
日菊有黃花

八次逢佳節色增妍

任飄杯面黃盞碎好聽歌喉白雪圓戲馬遺風應

索寞抱螺高興且留連良辰俯仰嗟陳迹莫惜歡
吟爛醉眠

次韻荅提舉陳龍圖重陽感舊

二邊伊昔喜延枚每向良辰命宴杯幾遇雪天留
兔苑嘗因風賦重蘭臺錦衣寬病思何厚琳館其
閑老未催白首又同吹菊會且將愁臆暫時開

秋晚赴先塋馬上

暫趨先隴弭旌旄因卹吾民穡事勞穀實已傷嗟
歲廩麥根雖立望春膏林疎山骨清彌瘦天闊詩

魂病亦豪田舍罕逢車騎過聚門村婦擁兒曹

初冬祀墳二首

曉乘輕凜上平崗西歛親塋一舍強帶靄遠岑時
隱見半霜殘葉雜青黃來牟渴雨空成隴賓鴈銜
雲自着行此日初冬嚴祀事只增悽愴不夸鄉
西享先墳已致誠却嚴軒從指東塋鴻驚去旆參
差起馬避柔桑詰曲行農寓兵來閑卽教牛無休

日早猶耕病翁寡術蘇疲瘵徒勸民心厚所生

次韻荅判河陽文潞公述相洛所居之勝

玉枕高居衆所誇三川推甲一何嘉前兼勝勢韓
王第右枕名區洛尹衙此宅吾鄉聊庇族悔違公
語卜鄰家公嘗見招居洛從思却作招來戶公嘗招親舊居洛有如公
命而往者則喜曰又招脚重難營老小車
到某人一戶戶故云

題忘機堂

昔耳懷章遂錦遊壞亭曾復此池頭今歸舊里藏
衰拙更葺新堂便燕休前檻月波清漲夜後簷風
竹冷吟秋伊余本是無機者因立嘉名近狎鷗

屬疾

邪氣潛攻隙彌旬困伏牀惡寒知肉緩難睡覺更
長謾講添年藥終無應病方幾時辭厚祿心泰百
憂忘

再題觀魚軒

重到觀魚面北軒正當遊泳晚涼天未歸陶令慙
何甚自適莊生樂亦然幾認琴聲泉漱玉數驚鉤
影月沈弦徐撐畫舫樽前看必信吾曹是水仙

歲末省墳

因趨先隴問耕桑益見農家事可傷種麥未生遭

土澇鬻禾無價值錢荒陰風鼓怒資時旱寒色催
愁上夕陽里俗漫矜吾太守不知何術致民康

韓魏公集卷之十

宋韓琦琦雅圭 著
明康丕揚士遇 校

詩

元日記墳

寤寐先塋敢暫忘元正親得奉肴觴病襟不覺支
離困山勢頻瞻蜿蜓長盡日風埃天黯澹一冬田
隴雪微茫人思三白今無望。覬春膏浹萬方

喜雪

始駭經冬雪時飛但歛塵誰知高厚意頻與發生
春已慰三農望何妨萬卉新病翁聊一醉歡喜過
斯民

甲寅燈夕會淨明寺

元夕山樓徹舊層荒年未必減歡朋聊趨淨宇莊
嚴地一看通衢自在燈災傷之年官不放燈令民
間隨便點照謂之自在燈
慰俗不專樽俎適開愁宜有管絃能歌筵更把新
詩代聽樂客不環視應饒士女憎

甲寅上元

元夕雖荒欲罷難羣情宜向此時看官緣歲歉思
從約俗樂春遊肯自安風引香塵人不斷月和殘
雪夜方寒誰知病守憂民意歌舞樽前是強歡

次韻荅王荀龍郎中旅次除夜

故陰方向北宵窮有客趨朝念禮容將獻未央稱
賀酒坐聽長樂欲明鍾恩回品彙滋榮近賞及孤
平信息濃早晚歸同鄉圃會縱觀春色上危墉

寄題致政李太傅園亭

洛下名園比北開幾何能得主人來爭如寒上抽

身早長向花前盡興回九老儀形傳好事十洲風景與
仙才無時嘯傲煙霞外世務紛紛想厭吟

早春病起

朝來殘雪盡春意滿東郊嫩綠開池面深紅點杏梢
山晴添遠靄鸚鵡暖認危巢正是芳時病吟鸞似見
嘲

北第浴花新開

移得花玉自浴川格高須許擅春權管絃圍簇生
來貴天地功夫到此全絕艷好將金作屋清香宜

引玉飛錢一聲舊幕行雲曲
揮不論船

前魏幕沈太傳有曲甚佳醉筆爭

郡圃春晚

溶溶春水滿方塘欄檻風微落葉香畫日楊花飛
又歇有時林鳥見還藏沉痾不為閑來減流景知
從靜處長欲戰萬愁無酒力可堪三月去堂堂

寄院主淨慧大師

祖風門法在坤維早厭京塵杖錫歸已大化綠興
佛事更窮真際得禪機人觀相好咸生信師顧莊

嚴亦謂非尚指牛眠今果驗益知囊訣盡精微
春寒呈提舉陳薦龍圖

春寒入人骨病肌尤見侵芳園欲暫適風惡不可
禁回身復擁爐噤餘難發吟幾日陽和思一開愁
悴心

癸丑再題康樂園

曾拓名園壯鄴中本思行樂與民同人安日見嬉
遊盛歲人誰知治葺功幾席病春臺榭雨一軒忘
暑芰荷風來欲伴羣心適勉強樽前作醉翁

春日磴亭同會

金湯西北綠陰中雙磴當渠一派通人跡罕來花
自老利源常在水何功事能如意嗟常少春苦無
情去又空大抵相知難會合且同樽酒醉春風

寒食祀墳二首

禁煙時重展先塋今日躬為拜掃行撲面塵多嗟
歲旱得苗田少柰民生二分春過寒猶峭四合山
來眼暫明思奉松楸存寤寐不因濡露始勤誠
太行山下列兒孫重疊千峯浪勢奔近麓繁回藏

勝地先墳長遠得安村墳在新村雖榮不及豐親養
更病須來潔祭樽欲使族中知盡力各思忠孝大

吾門

寒食東墳

萬株松柏筆鋒橫塋在西崗落處安念祖力完先
隴易祀墳三作守臣難農疇失稔煙徒禁祭禮從
風食尚寒已事勿嗟歸甚速要勤營奉合休官

靈獄道中村名

東西崗遠截空橫崗下村村聚落城柳線略無經

雨色麥針微向近河牛龍鍾父老知迎拜磽确田
疇尚力耕自古班春須卹患我觀民病若為平

清明同上已

清明池館足遊人校襖風光共此辰晉俗浮觴存
勝事漢宮傳臘寵鄰臣若云荒政宜蕃樂是使熙
臺失象春應候從來多苦雨幾時膏澤慰斯民

寒食開園

各園民喜及時開聯慰羣心共一杯美酒衆志深
巷陌好花生值惡風埃遊人盡陟春臺去尺雨宜

蘓早歲來病守當筵誰會得不聽鐘鼓只聽雷

畫錦堂同賞牡丹

牡丹親植錦堂前回首光陰二十年一見開顏如
有舊三來經賞豈無緣競新品目應輸洛獨守單
乎似信天欲寄朝雲皆大筆願搜豪句飾妖妍

畫錦堂再賞牡丹

錦堂重賞牡丹紅不惜殘英數日空嘉艷豈無來
歲好清歡難得故人同誰言山下曾爲雨一春無雨只
恐身輕去逐風共且對花開口笑莫持桃左較雌

雄

暮春書事

榆莢空飛不筭錢韶光歸速置何緣惜春情味過
年少戰酒英雄退日前竹笋迸塔抽兕角楊花鋪
水漲龍涎妖妍萬變成凋謝長養須資大夏權

暮春書事自和

東君回轡肯留連詩入哀情更易緣荷葉如錢生
水面楊花飛雪滿塔前感時空濺傷春淚帶酒思
流見麴涎殘景向人催上老似推公道不容權

北第同賞芍藥

芍藥名高致亦難此觀妖艷滿彫攔酒酣誰欲殲珠
網醉西金細偏宜間寶冠金線露裏更深雲髻重
子髻蝶棲長苦玉樓寒樓鄭詩已取相酬贈不見諸經
載牡丹

狎鷗亭同賞牡丹

東亭嘗種廣陵花美艷增新出舊芽小魏風標高
浴品大喬流徙得孫家丹砂纈妙深難染白玉冠
危瑩絕瑕肯與姚黃為近侍亦須稱右始無差

久旱喜雨

旱災誠久歷三時祠禱雖虔似不知一夕雲雷施
利澤萬家溝壑復生期禾苗立後收多旱天意回
來此未遲思被無垠才數刻盡思人力欲何為

初伏避暑

四序推遷理亦常其間天意或難詳將今炎暑收
殘虐何使清商預伏藏幾日西風來拂袵昔時中
冀盛飛觴無辭刺引南燕耐匠者滑人鹽盃冰峯

合坐涼

水散鹽盃之
雖危不墜

七坐寄提舉劉思封

連年河朔失時豐將漕推能選擢公萬慮本期充
歲計一言思欲動宸衷知難願易澄清寄遂請俄
日駁極宮殿柱有題德不忘肯容材哲便耳窮

七夕

星潢今夕度仙輶人世爭為乞巧樓萬室瞻迎皆
欲得一生孤拙未嘗求緜山月白遺新曲漢殿窓
明誠舊偷若道管橋真浪說如何飛鵲盡髡頭

次韻荅文侍中寄示韓晉公村田歌舞圖顏

魯公跋尾仍使題千後

韓畫顏書世絕殊鈴齋時足奉驩虞跋題應命誠
羞澁不是跳龍卧虎徒

甲寅中秋對月二首

七寶成輪上海東他圓爭與此時同須知一夜清
先別為得三秋正色中唐曲聽回雲作駕鄴園游
盛蓋飛鴻古人口恨青塵闊對賞樽願樽一空

中秋侵夕啓賓壘共看長空一鑑開四坐雪霜清
耳目萬家崑閬倚樓臺波涼桂子從天落陰極潮

頭半海來正好抽毫競高唱當筵人勝仲宣才

提舉陳龍圖遷居邢臺二首

鄉居新葺後歸興邈難招老去重離別秋來添寂
寥雲橫初送鴈渡淺未成橋千里猶思駕封折幸
不遙

多病襟懷易入憂那堪驚別復驚秋難追劉白樽
前樂尚約松喬世外遊花發東籬誰共酌草荒南
浦只生愁從茲冷落歡吟地畫錦榮歸與狎鷗

甲寅重九

勉同風俗燕重陽可惜良辰值歲荒南畝流民方
塞路東籬嘉菊漫浮觴雖無絃管追遊樂賴有山
川氣象強自笑當筵陶靖節幾時歸去傲羲皇

孟冬朔日祀墳二首

親塋來展祀郊野未霜嚴古道日低削高山時仰
瞻寒花雖在目短穀不加鎌多少幽閑趣吾方事
退潛

首冬齊潔款先塋極目郊原一望清無限人心蘇
尺雨有時天意活蒼生遙林蒼鬱霜來晚荒隴稀

疎穗不成何術濟民歸未得媿偷官祿奉樂盛

祀墳馬上

二塋迤節展松楸因歎農疇荐不收高穗有時存
蜀黍善耕猶惜賣吳牛泉乾幾處閑機磴雨過誰
家用糞樓首種漸生還自喜尚夏難救赤春頭

士子春分方見迎春盛開以小詩嘲之

迎得新春入舊科獨先嘉卉占陽和今年頭被寒
摧朽應為尖頭送暖多

癸丑燈夕

爭放紅蕖燎紫沉勝遊誰肯惜千金人和更有笙
歌助酒美應無巷陌深化國先陰方甚永洞天風
物不難尋如何可致吾民樂長似熙熙此夜心

次韻荅趙少師以南京永壽禪院主僧崇祐

於新鑄佛大殿後建堂寫真於其中

懷德思人始繪容不緣斯舉理難窮兔園何有安
民迹鷲嶺兼無護法功名姓不傳勳閣上儀形徒
入梵祠中願更此誤圖公像公行宜居極樂宮

次韻荅提舉劉司封見訪

琳館優閑祿隱卽高懷存舊寵吾鄉觀梁共且希
魚樂巢閣終應待鳳翔囊疏一時驚慄慄殿極常
記日堂堂忠言非久回宸慮坐見無爲拱舜廊

次韻和文潞公題王右丞維輞川圖

輞川誠自好人各愛吾園欲縱家山樂終縻吏事
繁鴻飛思避弋羝觸困羸藩幾日歸陶徑方知踐
此言

次韻和文潞公題韓百公村田歌舞圖

升平胡可狀歌舞入樵蘇歲美人皆樂朝和野共
娛心休無事擾本固絕顛扶我願明時治長知此
畫圖

次韻荅提舉王郎中

病質衰來百事情慵遺榮心欲企高蹤疲鴛向老知
無用聖德矜愚諒有容筋力豈能夸矍鑠林泉終
幸養孱庸東籬秋晚黃花盛陶令思歸興愈濃

次韻荅提舉王郎中歲除有感

歲除詩筆復加勤和寡辭高過郢人可念風期千

里閭又看^春態一年新幾時鄰糴盈倉足來濟喜
民比戶貧聞道海艘將自押使應捨未須巾

閔農

仍歲農疇失夏秋方春尤窘柰飢流人無粒食何
堪命天作陰寒亦似愁黃葉不遑爲木酪翳桑惟
日俟囊糶幾時膏澤充民望待看來年十倍收

假竇侍郎安車元日記墳

小車聊假便衰殘上冢都忘涉路難坐卧稍能伸
手足堅完誠可避風寒寒惟自不希前躅憑軼時

還遂一觀暫得容身終未穩退歸乘此始爲安

元日記墳道中

新元先隴遂伸虔荒歲嗟逢衆食艱比戶生涯皆
墨突幾家林木似牛山三陽已^春來懶六幕雖
昏雪尚慳道殍寢多無力收據鞍衰叟只慙顏

提舉陳龜圖春寒惠然見訪

冒寒連驛促征輪須信相思是故人頸似清風袪
大暑何嗟明月隔芳塵雪隈簷角依微在春着花
稍次第新不把一杯同一笑此時幽憤與誰伸

北第會陳龍圖

重喜延松奉宴遊只期軒從少遲留花移上闕看
爭發酒熟宜城可旋芻正好一杯同撥悶信應牛
古足銷愁人生不是無交舊難得相知到白頭

鱣老庵會陳龍圖

北第新成鱣老庵日期休此養無堪地偏深得幽
居興景野難將俗好參戶外鳴泉疑拊石城頭叢
薄當凝嵐何須便挹浮丘袂且奉高賢聽雅談

浮醴亭會陳龍圖

愛客遊當曲水開看觴交出任繁回歌聲直向梁
間住春色偏從洞裏來不繫舟虛誰觸忤無機鷗
近絕驚猜休論俛仰為陳迹且學山陰被襍杯

提舉陳龍圖特垂顧遽促歸軒

千里相思訪所知昔人曾有此開稀方欣一見銷
萌杏便忍連章賦式微早是衰年多感槩不堪寒
色挫芳菲剡溪雪月光如畫懊惱仙舟興盡歸

乙卯上巳會浮醴亭

熙熙春色水溶溶修禊臨流景倍濃物外風光占

崑閬洞中神變走魚龍
飄花任逐紅塵去
浮醴時看紫府供
欲學永和當日序
媿無竒筆紹前蹤

三月五日會浮醴亭

曲水春閑遂宴嬉
何須元己始為宜
看真洞杯盤出
豈顧塵寰節序移
曳尾靈龜來可羨
乘槎仙客去難追
水上所見一觴一詠無絃管
恰似蘭亭列坐時

坐中有不聽樂者

乙卯寒食祀墳

鄉守三逢禁火天
每驅旌纛掃松阡
衰殘豈足酬

恩過光寵徒知及
祖先望極西山饒
勝氣樂舒東戶革
荒年何時歸處墳
廬下不假蘇秦負郭田

祀墳道中

雖欣膏澤啟豐年
民病猶艱救目前
闕祀丘墳無解去聲
裂荐饑村落步鞦韆
雲梳隴麥千行直
粉淡墻花半臉妍
揄英淪能供歉腹
何曾拋得買春錢

祀墳過風

忽極暄融候莫窮
不為膏澤却為風
氣蒸人腹成中熱
塵入花心作病蟲
欲望好峯迷遠目
正濃韶

景失晴空飄然終日俄收怒歸送旌旗撼晚紅
北第同賞牡丹

正是蒼王穀雨天此攜樽酒一凭軒陽臺幾日徒
驚夢息國經年又不言但得留連詞客醉筭難回
避蜜蜂喧自從標錦輸先手羞見妖紅作狀元
元紅
正開

觀王推官園牡丹

風養蒼王接舜薰始知仙圃別藏春欣聞東道招
來數得見西京譜外新九萼壓叢看易失萬金邀

容日須頻羣芳面我應相識便是宜輕小退人
前詩

乙卯畫錦堂同賞牡丹

從來三月賞芳妍開晚今逢首夏天料得東君私
此老且留西子久當避柳絲偷學傷春緒榆莢爭
飛買笑錢我是至和親植者雨中相見似潛然

柳絮

楊柳生花不戀枝紛紛終日亦何依聚來庭下為
毳滾散向空中作雲飛閑共落英浮遠水靜和幽

蝶舞斜暉見君方情春難住恣縱輕狂攪擾歸

乙卯北第同賞芍藥

緇揚嘉種發清和灼灼吾園盛孰過紅玉闥成樓
突兀白雲爭簇髻魏姦仙容世必推茅嶺醉艷人

誰敵苧蘿

茅山冠子醉西施皆嘉品

不是栽培功未至年來何

苦轉枝多

去年千葉者今歲多轉為單葉

北第再賞芍藥

廣陵花發信惟天已剪還開客重邀滿引莫辭金
鑿落盛觀何止玉逍遙嬌紅開密輕多葉醉粉歌

針奈條且縱高吟賞真艷侍姝羞匿不須招

時不

狎鷗亭同賞芍藥

家園經賞復官園芍藥多名兩共妍醉白堂前淮
海艷狎鷗亭下鳳麟天樓粧瑞玉千層密冠縷直
金半尺圓不闌詩豪開酒戶是將傾國欲輕捐

初會醉白堂

因建新堂慕昔賢本期歸老此安然輕陰竹滿窓

間月倒影蓮開水下天自向酒中知有德更於琴
外曉無絃霓裳百指非吾事只學醺酣石上眠

章獻明肅皇太后輓詞二首

一紀裨鴻化千齡從列仙至仁高協帝厚德遠參
乾驗寡親嘗藥思深欲報天為殫臣共淚朝雨助
璿駕方修祀金波忽墜空悲歌傳薤露祕殿聞椒
風露重昏軒曜雲悽泣舜瞳仙輿邈何在天升珠藻宮

章懿皇太后輓詞二首

外族傳仙系中閨著德容瑞符衣覆玉懿範史編
彤天闊雲埋伏秋高露泣松宸心望歸駕滄海三峰
慶日推祥舊儀坤講禮新帝親無及養天意此何
仁宮寢延嵩月禕褕寓洛塵欲知仁主卷淚血輸送

章惠皇太后輓詞二首

椒掖遺芳在龜臺別信空舊恩綠服重新廟見慈
同殘月無多夜餘花一向風徽音從此斷忍顧洛

川東

柔順符坤德興君監女箴笄衣裙有練殿壁帶無
全外族疏恩薄中宸結愛深宮娥齋飲淡誰副祝
延心

仁宗皇帝輓詞三

道久民胥化歲先慮拯深勤邦循禹度傳聖得堯

心生德齊天地仁聲振古今三山神藥在滄海信
空沉

薄葬定隣邊民安卽舊廬大非容六馬深不錮三
泉忍逐宮車出翻隨玉輅旋西都無限竹淚色似

湘川

聖治方無事仙遊遽不還心休黃屋外鄉遠白雲
間笳鼓悽寒月旌旗卷暮關孤臣期得殉黃鳥願
重刪

英宗皇帝挽詞三首

遽委飛乾運應開出震符子房批鳳尾天已下龍
胡遏密思堯治謳歌啟舜圖只留勤儉德千古亘
三無

此日天無色輜車下禁宸悲風隨去仗哀淚裊行
塵一閉皇堂夜長閑御寢春守陵來有幾蕭索慶
寧人

蜃駕雖停洛陽興已邈天空藏軒劍舄不改霸山
川挽揭秋聲外旌翻夕照前老臣非從死何路蒼
知憐

司徒侍中杜公挽詞三首

早退輕高位孤風振昔賢上思終不已民望日依然榮寵三增秩優游十換年請看良史舊德孰似公全

直道當年挾清名萬世師身閑心在國跡退德高時警絕新詩雅飛騰老筆奇歸休何所樂持此造希夷

哲人何永逝天理此難謀子謹新遺札家無舊賜金可傳清白業未足太平心計至悲尤動忘年顧

遇深

僕射平公挽詞三首

早冠廉良選尋專翰墨盟上知唯直道人愛是純誠樞極推無撓台衡論必平嗚呼今已矣天不為蒼生

公肯魁多士予時託後塵交因荷心照義實邁天倫進始欣連茹官終愧積薪牙絃茲遂絕不見賞音人

相府陪高議於時適其榮開懷叙疇昔協力興登

平幾日還言笑何斯隔死生寢門長慟後追捨不
勝情

張汝士寺丞挽詞二首

肯與君游者芝蘭久更芳高懷澄水月和氣煥春
陽陳迹川流遠嘉名歲景長平生歐尹友嘗嘆善
人七

滿腹康時業丁年未一伸方從中洛掾俄掩北邙
塵有子賢荀里登科感並鄰新阡伊闕下長得塞
門春

塞門地名

江西提點刑獄閻郎中挽詞一首

昔忝中山帥君時佐郡條協心圖治俗同榜喜為
僚方卜門容駟俄驚坐賦鴉新阡思一慟西蜀柰
迢遙

致政王子融侍郎挽詞三首

憶昔求還事年猶未縱心軒裳輕俗累水月瑩禪
襟樂任荒三徑閑時戲一禽陶然踰五閩已矣世
同欽

伯氏勲名永錄公左右然賢碑求帝篆行錄廣時

傳餘範光門法遺文粲史編欲知天報厚五福賜
吾全

首戴淄川政嘗依大守賢千門欽世德阮巷忝親
聯僕始慙當軸公方遂引年音容俄永隔杖泣望
新阡

太尉侍中宋公挽詞三首

科等魁髦彥文章壓縉紳大權更將相優寵極人
臣還事至一品享年踰七旬請看今與昔誰可望
公隣

仁皇求治始公出冠儒英仕路知鄉相時名獨第
兄兩朝推重德當世服純誠身後傳家者群書但
滿籬

注想尊元老云亡歎哲人恤章隆上袞哀輓出中
宸史入經綸迹文藏造化神笳簫陽翟路行者亦
霑巾

蘇洵負外挽詞二首


對未延宣室文嘗薦子虛書方就綿蕤奠已致生
芻故園悲雲棧英游負石渠名儒并用晚厚愧不

先予
族本西州望來爲上國光文章追典誥議論極皇王美
德驚埋玉瓌材痛壞梁時名誰可嗣父子畫賢良

太尉吊公挽詞二首

韋平傳慶裔方召起隆名寒上天聲遠惟中瀚
精象期調玉鉉特忽喪金城朝野悲何甚邦家重
老成

難忱
要劇更中外幾微照古今嘉謀增國重和氣入人
深龍已須雲起星俄向壘沉得名非得壽天報此



韓魏公集卷之十終

